



**Äntwert vum Sportsminister op d'parlamentaresch Fro n°2201 vum 7. Abrëll 2025 vum
honorablen Deputéierte Sven Clement.**

**1. Wéi vill Sportskoordinator ginn et Stand 1ten Abrëll 2025 an a wéi enge Gemenge
respektiv Gemengesyndikater?**

Zenter der Reform vum Sportskoordinator Enn 2024 sinn 1 Gemengesyndikat an 16
Gemengen der Strategie "Meng Gemeng leeft Sport" bäigetruewen.

Stand 1. Abrëll 2025 sinn 9 Sportskoordinatoren no den neien Modalitéiten agestallt,
dëst fir 8 Gemengen an 1 Syndikat (Syndikat An der Schwämm Beetebuerg/Leideleng,
Biissen, Déifferdeng, Esch, Hesper, Monnerech, Nidderaanwen, Réiser an Schengen).

Déi aner Gemengen - Clierf, Diddeleng, Iechternach, Schëffleng, Stroossen an
Stengefort, Garnech an Käerch als Regroupement – wäerten an de nächste sechs Méint
e Sportskoordinator rekrutéieren.

Donieft lafen nach zwou Konventiounen mat de Gemengen Suessem an Dippech nom
ale Model.

Gesprécher mat weidere Gemengen sinn aktuell am gaangen.

**2. Laut der Circulaire ministérielle n° 2025-017 vum 24. Februar 2025 hunn d'Gemengen
3 Méiglechkeete fir ee Sportskoordinator anzustellen an dann, jee no Konditiounen,
eng staatlech finanziell Hëllef ze kréien. An dëser Circulaire un d'Gemengen an
d'Gemengesyndikater gëtt allerdéngs net preziséiert, wéi déi staatlech finanziell
Hëllef konkret ausgesäit? Kann d'Minister hei Prezisioune ginn, respektiv wäert
dëst an enger weiderer Circulaire erkläert ginn, besonnesch wëll vill Gemengen net
un der Informatiounsversammlung deel geholl haten?**

Wei an der Chamberskommissioun "Commission des Sports" vum 27. November 2024
präziséiert gouf, gesäit d'Konventioun vir, dass de Staat während den éischten 3 Joer
80% vun den Salaireskäschten vum Sportkoordinator iwwerhëlt. Dono verleeft des
finanziell Participatioun degressiv, wei am nofolgenden Tableau duergestallt, an
pendelt sech no 9 Joer bei 20 Prozent an.

Année	1	2	3	4	5	6	7	8	9 et plus
Taux de la participation étatique	80%	80%	80%	70%	60%	50%	40%	30%	20%



D’Gemengen goufen net nëmmen am Kader vun den Informatiounsversammlungen am November 2024, mee och am Kontext vu bilateralen Entrevuen iwwer dës Modalitéiten informéiert. Meng Servicer sinn weiderhin aktiv a féieren aktuell nach Gespréicher mat eenzelne Gemengen, fir se iwwert d’Virdeeler vum Sportskoordinator ze informéieren. Zousätzlech kënnen d’Informatiounen iwwer d’Strategie “Meng Gemeng leeft Sport” och um Internetsite vum Ministère consultéiert ginn.

3. Kann de Sportminister soen wéi vill a wéi eng Gemengesyndikater an d’Informatiounsversammlung ageluede waren?

All Gemengesyndikat konnt un der Versammlung deelhuele.

4. Ass et och engem Gemengesyndikat, dee keng sportlech Aktivitéit a senger statutarescher Missiounen huet, erlaabt ee Sportskoordinator anzestellen?

Hei ass un de Syndikater ze klären, ob de Koordinator seng Missiounen, wei an der Konventioun festgehalen, ausféieren kann. Ze präziséieren ass, dass et sech ëm eng Vernetzung vun den verschiddenen Acteuren an eng nohalteg Weiderentwécklung vun der lokaler Sport- an Bewegungspolitik geet. Et ass, am Prinzip, net dem Sportskoordinator seng Aufgaben sportlech Aktivitéiten unzebidden.

5. Aus der Circulaire geet och net ervir wat fir eng Qualifikatioun respektiv Berufsausbildung de Sportskoordinator muss hunn, fir dass d’Gemeng respektiv de Syndikat eng staatlech Ënnerstëtzung kritt. Kann de Minister dës präziséieren?

Eng Qualifikatioun ass bewusst net präziséiert fir den Gemengen respektiv Syndikater beim Rekrutement fräi Hand ze loossen. Wei an der Circulaire vermerkt ginn d’Carrièren B1, A2 an A1 vum Staat ënnerstëtzt.

6. Op där enger Säit ënnersteet d’Personal vun engem Gemengesyndikat dem Büro vum Syndikat – op der anerer Säit soll de Sportskoordinator allerdéngs direkt beim Schafferot vun de jeeweilege Gemengen ugesidelt sinn. Wéi stellt sech de Minister dës hierarchesch Zesummespill fir?

Ass den Koordinator iwwer e Syndikat agestellt, ass hien och do ugesidelt an ënnersteet domat dem Büro vum Syndikat.

7. + 8. Am Beräich vum Naturpakt, dem Klimapakt an och dem interkulturellem Zesummeliewe kënnen d’Gemengen eng finanziell Ënnerstëtzung fir hier betreffend Personalkäschte kréien. Am Fall vum „coordinateur pacte communal du vivre-ensemble“ ass dat laut de Bestëmmungen vum Gesetz vum 23. August 2023



betreffend dat interkulturellt Zesummenliewen de plafonéierte Montant vun 30.000€ pro Joer pro Gemeng. Ass de Minister net der Meenung, dass op Grond vun der sougenannter „sécurité juridique“ déi verschidde Bestëmmungen a Konditioune betreffend de Sportskoordinator missten an engem Gesetzestext erfaasst sinn, esou wéi dat och fir den Naturpakt, de Klimapakt an eben de Pakt vum Zesummeliewen de Fall ass?

Ass des Virgoensweis konform mam Artikel 117 (4) vun der Verfassung, dee Follgendes festhält: „Toute charge grevant le budget de l’Etat pour plus d’un exercice doit être établie par une loi spéciale“?

Meng Servicer wäerten op Basis vun den éischten Erfarungen am Kader vun der Strategie “Meng Gemeng leeft Sport” an a Récksprouch mat der Inspection générale des Finances eng gesetzlech Verankerung préiwen.

Lëtzebuerg, den 25. Abrëll 2025

Le Ministre des Sports

(s.) Georges Mischo